

Dirigé

LI VICARÈIE

DI

SIMON ET LINA

mèttowe

ès ligwèt

—

Par le Père J. W. LEVAUX

Missionnaire apostolique aux Indes orientales



LIÈGE


JACQUES GODENNE, IMPRIMEUR-ÉDITEUR

Square de la Cathédrale, 9

—
MDCCCXCVI

SIMON ET LINA

A l' bawette!



Mârdienn'! çou qui no fât étinte
 So l' compt' dès jônè galapia!
 Houté ko chall l'istwoire, — in t'cinte, —
 D'inn' trokette', Simon èt Lîna.


Es l' pless' di print' gosse à l'étute
 Po divni sùti, brav', sinsieu,
 Dâ pikèt dè jou diska l' nute,
 I bardahint avâ lès jeu.

Mafwè, po lès mâva messège
 On gamin n' si lai mâie hairi!
 Anoi 'n' biess' q'elle ènn' arège,
 Ax vèiè gin fé mèie displi ;

Marôdé dès pomme ét dès peure
Ou dès biloke amon l' vvoisin :
C' n'est nin mâlâhèie, on m' pout creure...
Qui n'avan-n' nou pu laid mèhin!

No lignrou n'estint mâie à pisse ;
I n' polint so hamm' tini cou...
Sâri-v' tuzé, sins hapé 'n' hisse,
A l' manîr' qui fourint pierdou ?

Simon èt s' fré, — n' louki nin lâge, —
Pâiront don còp to leu pèchi :
Vochall leu vèie so dès imâge,
Avou treu rôie po qu'on l' sùh' mî!




Prumî displi


On s' donn' toplin dè l' pône, èdon,
 Po z aklèvé poïe èt poïon :
 On vout raskoï dès tahlèie
 Tott' pleinn' d'ous, avu dès covèie,
 Ou magni, sins alowé rin,
 On boket d' rosti d' tin z in tin;
 Sovint on s' chève ossi d' leu plomme :
 Kan, po z'avu chaud to fan s' somme,
 On radoucèie volti cossin,
 Matla, dékbette èt traversin.
 Dwoirmi d'vin on lé q'est trop deurre
 Ès s' nut' c'est fé dès fameu heurre !




Ainsi tuzév' li vèie Gètrou
 Qui s' nânév' binâh' to lès jou.




Gètrou t'név' treu bellè poïette
 Et on vigreu coq po l' rawette :
 Simon èt Linâ s'ètindint
 Po li qwèri displi biessmint.
 Apuzabèie, onn', deu, treu, quatte !
 I fèt dès boket d' pan to hatte,
 Dès boket nin gros comme on deû,
 — Ji vous dir' gros comme on bon peû. —
 I lès loint à dès ficèlle
 Q'acréhlint po l' mitan int' z èlle.




L'atrapp' fout stindowe ès corti
 So l' tin q' Gètrou fév' si prangi.




A pôn' li coq od't-i l'eûrière,
 Qui houke à couÿs' si pütte ârmèie :
 « *Kokkaiikaikâk...! Touk ! touk !* » brait-i;
 Lès poïe pochet fou dè poli.




Coq èt poiètt', to dinn' bèchèie,
 Magnet lès qwatt' bout dè l' creûhlèie.




Min qwan to fout ben avalé,
Po l' bêche i s' sintint atélé...!
En avan,




En èri, di cwesse,
I sèchet à s' disràî l' tiesse,



Essônne ès l'air i s'enondet...
Ci fout po leu mâleur, paret!



Lès veié-v' so l' gross' coh' d'ine âbe,
Strôné, pindou comme dès minâbe?
Leu cô s'alongih' to l' tin pus,
Leu vvoi s'ôt mon, leu vvoi n's'ôt pus...




Vite i ponèt ine ou to qwatte,
Et morèt to stindan leu patte !

.....



Gétrou portan aveut oiou,
To doirman s' sokett', li sammrou.




Ewarèie ell' mouss' fouè de l' pwette,
Veut lès pindou...




Toumm' kâsi mwette :

« Binamé Diu! j'ènnès mourret...
— Et fouè d' sès ouïe lès lâm' pochet, —
» L'espwoir, li jôie, li fwess' di m' vèie
» Pint chall à l' copett' d'inn' mèlèie! »
Ell' choûle èt r'choûl',



Pui pèusmin
Bahh' li cohe, èt d'on tour di main
Côp' lès cowette âx povè biesse,



Adon r' pwoitt' li malkai d'zo s' bressè.

Vlà leu prumi displi...
L' deuzeinm' sût chall podri.


Deuzeinm' displi

Qwan noss' vèie kimér' si r'hapa
 Di sès fwettè pôn' èt d' sès mâ,
 Ell' s'apinssa, s'rapinssa mwette,
 Nu sépan qwè fé dès poiète.
 Après s' avu to mægrii,
 Di mèieu li sonla d'rosti
 Lès qwattè biess', q'inn' mwoir' subite
 Aeut épwoirté pâr trop vite,
 D' lès rosti to dreu, ben à pon,
 Et d' s'ès régale sins témon.
 Si pôn' rifout ko dispièrteie,
 Qwan èll' lès r'vèia, reu, sins vèie,
 Sitindou d'ploumté so l'fornai :
 Zèll', q'a quéq' jou, qwan i fév' bai,
 Chantint dâ matin diska l' nute,
 Buvan èt magnan ottan q' ûte,
 Et totavâ l' cour èt l' corti
 Champihint comm' dès gros rintî !




Gètrou chouù' rate inn' dièriinn' fèie,
 Et si pti chin waîte inn' hapèie...

Odan l' rosti, lès deu vârin
 Po 'n' hâl' so l' crèss' dè teu grippint.



I lûgnet outt' dè l' cheminèie
 Li coq, lès poie à l' fricassèie,
 Avou l' gamasse èt l' bèch' còpé




D'vin l' pakawe en trin d' fricoté!

Gêtrou justumin, tott' à s'iahe,




Es l'câve alév' qwèri dè l' crâhe,
Et 'nnès pouhi 'n' losséie ou deu
Po l' mett' toratt' rifont' so l' feu.
Dismétin à teu dè manège
On n' lèiv' nin lâké l'ovrège...
Lîna, — c'esteu lu l' pus sùti, —



Ouveur avou 'n' vège à pèhi.
Raff...! d'on còp aspitte à l' copette
Dè l' fowi... li prumi poïette!

Raff...! vohall li nimèro deu!
 Raff...! vohall li nimèro treu!
 Et podri sût l' nimèro qwatte :
 « Abèie, Simon, jan z ès ben ratte...! »




Li chin loukiv' monté l' rosti,
 Et hawèv' comm' ine assotti.
 Min lès spirou s' wînet évôie
 Ju dè teu, nu s' sintan pus d' jôie.


Toratt', ci sèret ben autchwè
 Qwan Gètrou foû dè l' câv' moussrè!




Volchall...! èll' louke estoumakèie...,
Lait toumé l'assiett' qui s' sipèie :
« So l' feu pu nou polet rosti!!!



» Kurèie! brait-èll' so s' chin, c'est ti!
» Rawât', kurèie, rawât', chinisse! »



Et à còp d' losse èll' vu l'apisse,
 Li bouhh', li r'bouhh' èko télmin.
 Q'èll' li spîret li screnn' dè rein...
 L'énoceinn' biess' tott' ahoreie
 Brait *kaiutt!* *kaiutt!*..! ko cint feie.



Ès l' sovrôt' lès vârin cachi
 Pâhulmin so li strin dwoirmi.
 Di lès polet, di tott' li fiesse
 I n' diman pus q' deu boket d' cwesse!

Vlà leu deuzeinm' displi...
 L' treuzeinm' sût chall podri.


Treuzeinm' displi

To l' mond' kinohéve ès viège
Ine homm' q'on noumév' Biettmé Kège.




Habit d'dimeingne èt d'ovrâv' jou,
Streu pantalon èt frak bèchou,
Paltot avou dès lâchè poche,
Cow' d'arond', meinm' dès guette à floche,
Chaud mantai, poïou makferla,
Gilet d' vlour ou capott' di dra,
Awè, tott' lès sôr' di mousseurre
Biettmé lès fév',... sins print' mèseurre.
Avi-v' mutwé 'n'saqwè d' hii
A r'keusse, à r'chipté, rinawi,
On boton toumé d' voss' cou d' châsse,
Ou mèzâh' quéq' pâ d' ine èplâsse :
To l' meinm' wisse èt di qué moïn,
Podri, po d'van, â d'foû, â d'vin?
Biettmé l' rimette avou l'awéie,
Et c'est là tott' si vicàrèie.
Ossi, jône èt ví, grant èt pti,
L' loukint po l' mèieu d'leus ami.
Portan no vârin ont èvèie
Di li jowè 'n' fenn' calinnrèie!

Divan l' mohinett' da Biettmé,
Coréve on rêv' to l' lon d' l'osté :




D'on bwoir à l'aute inn' solitt' planche
Chervév' di pazai comm' di stanche.



Simon èt Linâ, mâie nâhi,
Soïet l' pon mi q' dés vî scrini :
Ritz..., ratz..., ritz...! so mon d'on tis' d'eûre
On grant crin côp' tott' li lârjeure.


Èt l' màva còp est à pòn' fait,
Qui d' podri lès âbe i brèiet :




« Hailà ! Biettmé, dial' qui t'arège !
» Hoût' on pô chall, *vèie souwèie Kège !* »
Biettmé polève èduré to,
Min qwan oïa li dièrein mo,
Ci fout l' sope à lèçai qui hoûsse :



Ì tapp' l'ovrèg' là, s' live à couûsse,
Foù di s' houbott' dâr' rapitmin,
Li pogn' sèré, l'aune ès l'linch' main.
A pòn' qwitt' t-i l'soù dè manèg',
Q' ètint ko brair' : « *Vèie souwèie Kège !* »
D'ine ascohèie so l' pont il est...




Krak...! li planch' pette ès deu boket!




Et lès aut' si hàhlet to mwoir
Di vèi Kèg' plonki d'zo l' bwoir.


A meinm' moumin dès âw' passi
 Nin deu hion èri dès nêj :



Biettmé, to foû d'lu, moran d' sogne,




A l' voll' po lès patt' lès apognè.
 Lès biess' chawet qui c'est affreu,
 Et s'evolèt... hièrchan l' bagueu.



Lu, tofan q'est covrou d' sankisse,
Mâci, crotté, d'gottant d'chinisse,



Est contin d' navu d' vin l' mikmak
Raskoi... nou mà di stoumak.



Quéll' bwoigne idée out s' feumm' Majenne!
 Ell' châv' li gros fièr âx bolenne,
 Et po mi r'souwé si mamé,



V'z èl' ristint so lès qwatt' costé...!
 Ine eûr' pu tard avâ l' viège
 Bièttmé cotiv' to friss', to sège.

Vlà leû treuzeinm' displi...
 L'qwatreinm' sù chall podri,

Qwatreinm' displi


Vo v' plaindé d' n'avu nolle éhowe :
 C'est q'pu jôn', vo fiz l'pûri rowe!
 Savu l' a b c, sins rin d' pu,
 Ni monnret nouk fwoir lon, pinss'-ju.
 L'êfant sûti, a l' cour pu fire,
 Aprint autchwè q'à lère èt scriire,
 Avou les qwatt' rék' po compté,
 E l' granmér' po mi s' divizé :
 I houât' volti, sins piètt' paciince
 Lès gin qu'ont pu d'espériince.
 C'es po q' çoula s'fihe ahéimin



Q' Moncheu Lapette èplôie to s' tin.


Simon et s' fré, — qui n' cangront mâte, —
 Ni li kéiet ni bin ni pâie,
 Et to montan leu mâva còp,
 I tuzet â vi maiss' so l' còp.
 Fât don savu qui noss' bounamme,
 Aimève à mori s' pipp' d'ecamme.
 Mafwè, qui n'si sinkreut ko pu
 Après 'n' journèie di pôn èt d' bru,
 Inn' saqui sortou q'a djà d' l'age
 Q'ouveur à pess', sins rpwè ni rlage ?

Enalèch'... ! No pti rapaïon
 Apontiet ouie inn' saqwè d'bon :
 Po 'n 'mâl' keurre i s' hinrunt ès qwatte,
 No v'nan ko dè l' veï torate...
 On bai dimeingn' dè meu d'awou,
 Quu l' vi Lapett', todi timprou,



Àlèv' jowé d' l'orke à grant messé
 Dès main, dès pî, di tott' sès fwesse,

Moussan ès s' champ' lès galapia
 Trovint l' pipp' d'ècamm' so l' jiva.
 Simon v' l' apogne apuzabèie,
 Douv' li tiesse à mitan stopèie ;
 L'aut' fou' d' l'armâ tèrr' sins moti



Li peûr' pleinn' di poûr', l'assoti!
 I stopp' li pipp' diska l'copette,
 Sins ès dispâte inn' seûl' milette.
 Ciss' zaff là faite, i rèbidlet,
 Jusse à moumin q' les gin rivnet
 D'à mess'.



Lu, Moncheu l'organisse,
 Dihint dè doksal, sér' l'èglise.


Avou s' liv' di chant, sès caiet,
Si paket d' clé, s' bai blan noyet,




Ènnès r'va to dreu vès s' manège ;
I s' dismousse ; avou 'n' cress' ben sège



Esprint s' pipp', s' rafian d' tiré
'N'hinèie, ès s' fauteuie astafé :




« Awè, dist-i, vo m' polez creure,
 » Fourni pâhull' c'est m' vraie aweure ! »



Roumzz !!! pipp' pette èvoie... Qué disdu !
 L' batimin, j'arawe, est distru :
 Platai, jatt', sitouve èt kocmare,
 Bwoitte à l' sinouff', scristor, chamare,
 Bèrik', fâteûie, tâve, homme èt to
 Bizet ès l'air cou d'zeur cou d'zo...!

.....




Qwan l' founire ès haut fout montèie,
 On vèia 'n' afair' sin parèie !
 So sès rein stindou to di s' lon
 Lapett' gèmih' comme on poupon ;



S' narenn', sès ouie, ses chiff' sont neure
 Ko pé q'si moussiv' fou d'on beure :
 Diska l' dièreinn' bougèie di chvet
 So s' tiesse est broulèie à crahet.

A c'teur' qui vwoiret t'ni li scolle?
 L' ci q'èn a l' goss' di sogn' rèscolle...
 Qui r' prindret l' corwèie qui Moncheu
 Davanss' solév' pwoirté to seu?
 Lu, 'n' pavtiret pus ès l' coulèie,
 Pasqui s' bell' pipe a stu spièie.
 S'i sès brouleur' polint rwèri,




Li touwai dmona mesbrugi...

Vlà leû qwatreinm' displi...
 L' cinqueinm' sût chall podri.

Cinqueinm' displi

Avé-v' ès l' vèie, av' à viège,
 On vi mononke ès parintège ?
 Seuï por lu ginti fiesstan,
 I v' dâret s' cour... èt sès aidan.
 A matin d' hé : « Bon jou mononke,
 « Av' passé 'n' nutt' pâhull' èt lonke ? »
 D'lé l'ais' dès feu ratt' pwoirté li
 Li foïe èt s' pipp', sins v' fé haïri,
 Si sint inn' pititt' biess' quéq' fèie
 Qué l'hagne ès rein ou qué l' gatèie,
 Mostré-v' adon fwoir binamé :
 Hôpi'l diska binâhisté.
 N' rouvi nin d' dir', qwand i stiernihe :
 « A voss' sohet, l' bon Diu v' bènihe ! »
 Si s' pipe est distindow' : coré
 Qwèri 'n' brokal' po l' raloumé.
 Et qwan mononk' rivint dà l' cîse,
 Tiné tofinr' prette à s' chervisse
Stochet, rôb' di champ', noret d' cô,
 Di sogn' q'i n' si rfreudih' so l' còp.
 Awè, sins spâni tin ni pône
Sogni'l todi comme on chènône.
 V' pinséz beñ q' Simon èt Lîna
 Ni s' plaihint waire à c'mesti là !
 Ji v' va raconté l' calinrèie
 Qui jowint à mononk' Romèie.


Dès balowe ! ènn'a dès hopet,
Es meu d' maïe, so l'z âb' qui zûnet,




D'grigntan lès foie et lès cohète
Dispôie li d'zo diska l' bêchètte.




No deu vârin, — dès s' fait 'n'a pu! —
V'z ènnès hoïèt inn' cankéie ju.



Lès biesse abalowe, à pougnèie,
Divin dès cahott' sont chonkèie.





Lès nèveu pwoirtet lès sèchet
D'zo l' lé de vi, pui rèbizet.




Vochall q'arriv' mononk' Romèie
 En pti cou d'chàs'... Comme i bâtièie!
 I mont' so l' foum', fait l'sènn, dè l' creu,
 S' édvoir éwalpé d'vin l' costeu.

.....






Min lès balow', *krizkrass', krizkrasse!*
Amousset fou di dzo l' païasse.




Volà l' prumir' qui vint gretté
Li mononke à l' bèchette dè né...




« Aouch! brait-i, qui sins-j' chall? Q'est-ce?
 » Di wiss' vint ciss' macrall' di bièsse?
 » Ine abalow' ...! »




Roméie saisi
 R'jett' sès cofteu, rouf! poch' so pi :




« Bay! ine à l' jampe...! ine ès l' hanette...!




» Et cisschall qui m' bâhe... à picette! »
 Di to costé 'nnès voll' sakwan
 Atou dè l' loumir' to zunan.



Mâvlé, mononke à còp d' savatte
 Flâh', lès make èrott' ju, lès spatte
 Èt lès rispatte,



Adon contin
 L' zi dit, to s' coukan pâhulmin :
 « Zuné à c' teur' zuné, mamèie!
 » Et n' fran ko 'n' novèll' fricassèie! »




Et n' tuzan nin à sès nèveu,
Romèie sér' l' ouie, et dwoime ureù.


Vlà leù cinqueinm' displi...
L' siheinm' sût chall podri.

Siheinm' displi


Vorchall Pâque avou s' jama d' fiesse!
On veut lès bolgi kûre à pesse
Dès miche à boûr', dès miche âx ou
Kûr' dès créné, kûr' dès mirou.
Simon èt Lîna, grant pansare,
Songint à s'ahèssi d' inn' pare.




J'han Pir', di sogn' q'on n' vinss' hapé,
Sèr' li forni si fwoir à l' clé,



Q'on chèt n' moussreut d'vin l' bolgirèie
Q'à mon di d'hint' po li chminèie,




Dè l' fowi lès pti bourdousset
Alvalèie, neur' comm' de cochet...




Plouff, plouff...! èmé l'houche à l' farenné
I pètet reù so leu narenne.




Essónne apochèt foû to blan,
 Dispóie lès pî ðiska l' tiess', jan!
 Què gont so l' kadorai dvan z elle!




N' polan aduzé lès brikselle;
 Ajettmin l'on l'aute i s' lèvet.




Krack...! vlà l'chèire ès deu boket!




I plonket so leu rein ès l' pàse,
S'accomodan comm' d'ès èplàse.




Louki lés chall mâci, glaignan,
Zèll' q'estint toratt' si spitan!




A bru, l' bolgi drouve à l' voll', louke
To paff' roter ses feumm' di kouke...




Et *onn'*, *deu*, *treu*, sins balziné,
Totâtou v' les ronle épâslé




D'vin l' for i n' fév, q' inn' douc' choleure
Qui léiat àx ranboss' l'aweure
Di nin s' broulé.




J'han Pire adon
Lés r'teur' krahian, cût ben à pon,



S' mâjnan qui sèront bernike...
On vârin a l' pai deur', mafrike!



Lès oïé-v' to comm' dès sori
Grignté leu hufèie sins moti,



Et so l'tin q' J'han Pir' s'esbàrèie
S' winner évòie âpuzabèie?

C' fout leu síheim' displi...
L' dièrein sût chall podri.


Dièrein displi

54


Voss' tour est v'nou, fleur di canaie,
Apontive à r'çure ouie voss' daie...
Poqwè, j'araw' vi plaihiv' tan
A temnté lès gin, d' hé m'èl', jan?




Téné, vlà qui trawet dès sèche
Rimli d' wassin ou rimli d' wèche,




S' rafian d' vèi l' maiss' chergi,
So sès spale onk' dès sèch' hiï,




A pôn' Hinri vès l'ouh' dè l' heurre
Rott 't-i, qui l' grin cour' po l' crèveurre :



« Hai! dist-i, to loukan dri lu,
» D'ou vint est-c' légir' to l' tin pu? »




Awaite apreume ès l' cwoinn' dè l' plesse
 Lès pti rafulé diska l' tiesse.
 I woiss' sès sabot,



Èt d' chaq' main
 Enn' apogne onk' po l' pai dè rein;
 Avou l' pouheu v' z èll' chonke ès sèche
 Tofan q' minève on crân' arèche...!


.....




Mâle aueur'! A molin todreu
L' cinsi pwoitt' lès jôn' toursiveu ;




« Môcheu l' mouni! » — « Intrè, ji v' prèie. »
— « Molé-m', si v' plait ben, inn' sèchèie. »
— « Volti, batemme! »




Et dvin l' treutai
I r'viessè, i vudèie li malkai.




Rikrak, rikrak...! Li row' gèmihe
Toun' to wignan, po mou'r' fwoirsihe...
Li mouni n' fait l' akwanss' di rin,
Et l' vi Hinri rèie intt' sès din.



Volev' louki po l' dièrinn' fêie
No vârin molou q' c'est mervêie?



Dishombré-v', kan l' z âw' da Matieu
V' lès avalet,



Sins fé nou pleu!...

Po l' rawette

Ebin ! qui d' hé-v' di l'acontrave istwoire
 Dès deu vârin ?
 Qui v' z ès sonl' t-i d'inn' si èwarah' mwoire ?
 L' zi kèié-v' bin ?

Qwan on z oïa li nouvelle ès viège,
 On fout contin.
 Nolpâ dès lâm', nolpâ dès seurr' visège :
 On l' zi keu bin.

Kimér' Gètrou, tuzan à sès poïette,
 Choûle ès s' vantrin,
 Et dit : « Mafrike ! i fât q'on pâie sès dette ;
 » Jè l' zi keu bin ! »

Li pti chin, lu, qui l'aveut paï chire
 Po no vârin,
 Rimow' li cowe, èt hâw' di jôie po dire :
 « Jè l' zi keu bin ! »

« Nenni, Majenn', brait Biettmé, ti m' pou creure :
 » L' paî d'on calin
 » N'deur' nin, q' ji sêp', pu lontin q'inn' mousseurre;
 » Jè l' zi keu bin ! »

« Vlà ko 'n' eximp', rèpett li maïss' di scolle,
 » Q' aksègn' clérmin
 » Qui, sins studi, on d'vint todi fwoir drolle ;
 » Jè l' zi keu bin ! »

« Bin c'est todon ! tûz' leu mononk' Romèie,
 » I n' divint nin
 » M' qwèri displi, vini gâté m' somèie :
 » Jè l' zi keu bin ! »

« Nouk, dit l' bolgi, à hapé n' si fret rîche,
 » Kan ureusmin
 » On r'trouv' tofinre ès n'on pan tott' sès miche :
 » Jè l' zi keu bin ! »

Q'inn' canaïe mouûr' mi, cinssi, j'ènn' a d' keurre,
 Min ji n' vous nin
 « Q' ès mès grini li mâva grin inteurre :
 » Jè l' zi keu bin ! »

Zèll' meinm' lès âwe, ècombrèie ès leu crâhe
 Après l' festin,
 Batèt dès él', comm' po dir', l' cour binâhe ;
 « On l' zi keu bin ! »

Essônn' turto, to rian inn' bokèie,
I rèpètint,
Essônn' turto, to purdan inn' penèie :
« On l'zi keu bin ! »

Et vo, qui d' hé-v' di l' acontrave istwoire
Dès deu vârin ?
Qui v'z ès sonl' t-i d'inn' si èwarah' mwoire
L' zi kéié-v' bin ?

